



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Obligationibus Specialibus Certorum Statuum, De  
Sacramentis In Genere, Et In Specie, Et De Censuris Et Irregularitatibus

**Antoine, Paul-Gabriel**

**Ingolstadii, MDXXXIV.**

**VD18 90392167**

Cap. IV. De Suspensione.

**urn:nbn:de:hbz:466:1-41032**

## CAPUT IV.

*De Suspensione.*

Q. I. **Q**uid est quotplex est?

*Resp. I.* **S**uspensio est Censura Ecclesiastica, quâ Clerico prohibetur usus Ecclesiastici Officii, vel Beneficii, vel utriusque: sive quâ Clericus privat ex exercitio potestatis, quæ ei competit ratione Officii Clericalis, vel Beneficii, vel utriusque.

*Resp. II.* Multiplex est Suspensio: nam alia est ab Officio, per quod intelligitur potestas Ordinis & Jurisdictionis: unde est Suspensio ab exercitio Ordinis & Jurisdictionis; alia à Beneficio; & alia demum ab Officio simul & Beneficio.

Item alia est ab Ordine tantum, quâ Clericus privat ex solùm usu suorum Ordinum, ita ut ei non liceat Missam celebrare, Sacra menta ministrare, fungi munere Diaconi vel Subdiaconi; alia à Jurisdictione tantum, quâ Clericus privat ex solùm usu Jurisdictionis, ita ut non possit licet Censuras ferre, instituere, delegare ad munia Sacerdotalia, &c. & alia à Beneficio tantum, quæ privat ex solùm fructibus Beneficii. Hæ tres Suspensiones possunt esse vel in totum, vel in partem; nam Suspensio potest esse tantum à parte Officii, seu aliqua tantum functione sive ordinis sive Jurisdictionis.

Denique Suspensio alia fertur ad certum

Rr 3

tem-

tempus, vel sub conditione; alia absolute & sine determinatione temporis; alia ob culpam merè præteritam, vel in perpetuum, vel ad certum tempus, quo transacto per se ipsam expirat: verùm hæc non est propriè Censura, cum non sit medicinalis, sed est mera pena spiritualis: unde non indiget monitione: quis non requirit contumaciam.

Observanda sunt Sequentia.

1. Ut cognoscatur qualis & quanta sit Suspensio, consideranda sunt verba quibus fertur, & quæ in hac materia utpote odiosa debent strictè accipi.

2. Suspensus ab Officio simpliciter, non censetur suspensus à Beneficio, nec contra, ex c. 10. de purgat. canon. & c. 14. de vita & honest. quia sunt pœnæ diversæ, & à se invicem separabiles. Unde ex communi, is licet percipit fructus Beneficii, modò per aliud suppletat Beneficii munera, quæ non potest exercere; ad quod tenetur, cum retineat titulum & onera Beneficii, alioqui non potest eos percipere; quia non conferuntur, nisi propter Officium. Distributiones autem non potest percipere nec retinere; quia non conferuntur nisi hi, qui per se ministrant. 3. Quando in Suspensione exprimitur pars Officii, non est suspensus ab altera. Si autem dicatur Suspensus ab Officio simpliciter, hoc est, sine addito, privatus est ab omni exercitio tam Ordinis quam Jurisdictionis, ut constat ex Jure, usu & sensu communis; nam ad Officium Clericale perti-

pertinent ea, quæ sunt Ordinis & Jurisdictionis. Dico, simpliciter, nam Suspensio interdum fertur ab aliquo determinatè officio, cum addito, ut ab Officio Pontificali, vel Parochiali, vel Sacerdotali. Et tunc suspensio non prohibetur exercitium alterius Officii, quod non includitur in Officio prohibito.

4. Suspensus ab Ordine simpliciter, non id à Jurisdictione suspenditur, nec è contra: quia ordo est quid distinctum à Jurisdictione, neque est illi necessario annexus. Hinc suspensus ab Ordine simpliciter, potest exercere omnes actus Jurisdictionis ad ordinem non pertinentes, v. g. Episcopus sic suspensus potest alteri delegare potestatem absolvendi à peccatis, quamvis ipse non possit absolvere. Item suspensus à Jurisdictione simpliciter, non est suspensus ab actibus Ordinis, qui Jurisdictionem non requirunt: unde potest facere Sacrum, sed non absolvere.

5. Suspensus ab Ordine Superiore non est suspensus ab inferiore, v. g. suspensus præcisè à Sacerdotio non est suspensus à Diaconatu & aliis inferioribus: nam qui prohibet majus, non censetur prohibere minus. Econtra suspensus à minore ordine, suspensus quoque est à majore; quia cui non licet quod minus est, non licet quod majus est.

6. Suspensus à Beneficio simpliciter censatur suspensus ab omnibus Beneficiis, nisi sensus expressè restringatur. Suspensus vero simpliciter, intelligitur ab Officio & Beneficio simul;

similis; nam locutio indefinita æquivalet universalis.

**Q. 2. Quinam sunt effectus Suspensionis?**

*Resp. 1.* Suspensus ab Officio etiam occulus. 1. Peccat mortaliter, si exerceat actum sive ordinis sive Jurisdictionis: quia violat prohibitionem Ecclesiæ in re gravi: idque ubicumque exerceat; nam Censura contra-etta sequitur reum ubicumque sit. Ita commun. etiam si suspensio, lata sit à proprio Episcopo, quia est præceptum personale, immediate respiciens personas, easque obligans extra territorium. Actus tamen Ordinis à Jurisdictione non pendentes sunt validi: quia Ecclesia non potest tollere potestatem Ordinis, sed solum ejus exercitium prohibere. Actus vero Jurisdictionis sunt invalidi, si suspensus sit nominatum denuntiatus; quia privatur actuali Jurisdictione: sed validi sunt, si non sit denuntiatus, ex constit. Martini V. *Ad evitandum.*

2. Illicitè Beneficium novum reciperet, & ei conferretur: quæ collatio est saltem irritanda, ex c. 8. de consuet. quia qui privatus est aliquo actu vel munere, est etiam privatus susceptione eorum quæ ad talēm actum vel munus ordinantur. Sive, quod idem est, cui prohibitur actus vel munus aliquod, ei quoque prohibentur ea quæ ad talēm actum vel munus ordinantur, ex c. ult. de Clerico excom.

3. Suspensus fit irregularis, si exerceat functiones Ordinis proprias, quæ competit Cleri-

Clericis, c. i. de sent. Et re judic. in 6. ex Conc. Gener. Lugduni. Secus, si exerceat tantum ea quae sunt Jurisdictionis, vel quae Laici possunt praestare, ut si canat Epistolam sine manipulo.

*Resp. II.* Suspensus a Beneficio licet occultus privatur omnibus suorum Beneficiorum fructibus, quibus continentur distributiones quotidianæ, utpote pars fructuum, ita ut non possit eos licite percipere, & receptos teneatur restituere ante omnem sententiam: nam Censura impedit eorum acquisitionem, unde ad eum non pertinent. Nemo autem retinere potest quod suum non est. Tenetur nihilominus Horas recitare, & alia onera Beneficii praestare; quia haec obligatio annexa est Beneficio quod retinet; nec eâ liberatur ob privationem fructuum, quæ ei in poenam culpæ justè imponitur, remanente onere; Censura enim non tollit onus in detrimentum Ecclesiæ & fundatorum.

Non videtur tamen privari jure eligendi, praesentandi, conferendi Beneficium, &c. sibi competente ratione Beneficii à quo suspensus est: quia electio & activa, praesentatio, collatio non sunt propriè loquendo fructus Beneficii, sed actus Officiitali Beneficio annexi: in materia autem poenali verba sumi debent in sensu proprio & stricto.

*Q. 3. A quo, & quomodo tolli potest Suspensio?*

*Resp. I.* A suspensionibus, etiam si in Jure reservatae non sint, non possunt Parochi, neque

Rr § ahī

alii vulgares Confessarii absolvere, nisi speciale  
privilegium, vel delegatam potestate in acce-  
perint à Papa, vel ab Episcopo, si non sint spe-  
cialiter reservatæ Papæ.

*Resp. II.* Si Suspensio absolute & sine de-  
terminatione temporis inficta sit ob contu-  
rnaciā, tollitur per solam absolutionem. Si  
autem lata fuerit ad certum tempus, v. g. trien-  
nium, vel sub conditione; transacto tempo-  
re, vel conditione impletâ, suspensio cessat per  
se ipsam sine alia absolutione. Si vero impo-  
sita sit in perpetuum, ob culpam præteritam,  
tanquam mera poena, tollitur solum per di-  
spensationem seu relaxationem Prælati, vel  
ejus delegati: quia non est Censura.

*Q. 4. Quibus casibus usitatoribus incurritur Su-  
spensio ipso jure?*

*Resp. Sequentibus.* 1. Qui Ordines sacros  
recipiunt vel ab alieno Episcopo sine dimisso-  
riis vel à proprio in aliena Diœcesi, vel confi-  
cto titulo, vel per saltum, vel in Censura, vel  
extra tempora à jure statuta, vel sine legitima  
estate, aut facultate, vel post Matrimonium  
contractum licet non consummatum: item  
qui furtivè ordinantur, hoc est, qui non appro-  
bati inter ordinandos irrepserunt, aut alium in  
sui locum substituunt examini; hi omnes su-  
pensi sunt ab executione Ordinum, etsi Ordin-  
em aliquem exerceant, fiunt Irregulares.

2. Qui eodem die duos sacros Ordines re-  
cipit.

3. Or-

3. Ordinans & Ordinatus Simoniacè est suspensus ab Ordinibus.

4. Ex Trid. sess. 24. c. 1. Parochus vel alias Sacerdos jungens sponsos alterius Parochiæ, sine illorum Parochi licentia.

5. Occupantes bona, vel census Ecclesiæ, Beneficii, vel alterius pii loci.

6. Simoniaci, Sodomiam exerceentes, provocantes ad duellum vel acceptantes, &c.

7. Apostata à Religioso Ordine, præsertim si in Apostasia recipiat Ordines.

*Not.* Episcopi ex privilegio non incurruunt suspensionem, nec interdictum lata à jure, nisi eorum fiat expressa mentio, ita statuit Innoc. IV. in Conc. Gener. Lugdun. & refertur, c. 4. de sent. excom. in 6.

**Q. 5. Quomodo Depositio & Degradatio differunt a suspensione?**

*Resp.* Depositio est poena, per quam Clericus privatur omni Officio & Beneficio Ecclesiastico in perpetuum, sine spe recuperationis, retento solo privilegio Canonis & fori; ita ut neque ab ullo percuti, nec trahi possit ad Tribunal sacerdotiale. Degradatio vero est poena, per quam quis solemniter privatur in perpetuum non solum omni Officio & Beneficio Ecclesiastico, sed etiam privilegio Clericali.

Hæ poenæ, differunt à Suspensione. 1. Quia non sunt Censuræ, cum non sint poenæ medicinales, sed merè vindicativæ, utpote infictæ in perpetuum. 2. Qui privant ipsâ potestate

seu

seu ipso Officio & Beneficio: Suspensio verò privat tantum usu Officii, & fructibus Beneficii. Depositus tamen & degradatus non privatitur potestate Ordinis, quem semper possunt validè, licet illicite, exercere, si non requirat jurisdictionem.

## CAPUT V.

*De Irregularitate.*

Q. I. *Quid est Irregularitas?*

Resp. *Q* Est impedimentum Canonicum, quo prohibetur susceptio Ordinum, & eorum exercitium. Sive est inhabilitas jure Canonicō inducta, impediens susceptionem Ordinum, & susceptorum exercitium. Differt à Censura, quod hæc sit pœna medicinalis ob culpam inflicta, & ad emendationem delinquentis ordinata. Irregularitas verò immediatè, & primariò statuta sit, non ad punitiōnem emendationēm delinquentis, sed ob honorem sacri ministerii, qui postulat, ut qui ad altaris Ministerium assumuntur, sint, & integrī corpore, & animo puri: unde non necessariò supponit culpam, ut Censura. Fertur tamen aliquando per modum pœnæ vindicativæ, sed secundariò, quatenus ob delicti maculam aliquis censetur indignus sacro Ministerio, ob cujus reverentiam primariò infligitur.

Porro